

郭說



明·陶宗仪纂

說

郭

九

北京市中国书店

說郛卷第五十八

江表志

宋鄭文寶

字仲賢
寧化人

江表志者有國之時朝章國典粲然可觀執政大臣以史筆爲不急之務泊開寶中起居郎高遠當職始編輯昇元以來故事將成一家之言書未成遠疾亟數篋文章皆令焚之無子遺矣太宗皇帝知前事命湯悅徐鉉撰成江南錄十卷事多遺落無年可編筆削之際不無高下當時好事者往往少之文寶耳目所及編成三卷方國志則不足比通曆則有餘聊足補亡以俟來者庚戌歲閏三月二十三日序

南唐高祖姓李諱知誥生于徐州有唐疏屬鄭王房之枝派父志祖榮不仕帝少孤有姊出家爲尼出入徐溫宅與溫妻李氏同姓帝亦隨姊往來溫妻以其同宗憐其明慧收爲養子居諸子之上

名曰知誥累典郡符溫爲丞相封齊王出鎮金陵留帝在都執楊氏政事帝沉機遠略莫知其際折節謙下中外所瞻纔及弱冠卽秉大權揚都浩繁之地海內所聞率由儉素無所耽溺內輔幼主外弼義父延楊祚十數年帝之力也丞相薨盡總其兵嘗以譏詞有東海鯉魚飛上天之語由是懷逼主禪位之心矣帝加以九錫封齊王丙申年執政者欲盡楊氏一朝然後受禪烈祖不可遂以國稱唐改元昇元更姓李氏名昇追尊丞相爲義祖皇帝吳帝爲讓皇帝在帝位七年年五十四廟號烈祖諡曰孝高陵曰永陵元敬皇后宋氏祔焉

皇子

元宗

少一子
亡子

晉王景遂

齊王景達

衛王景揚

宰相

宋齊丘

王令謀

張延翰

李建勳

嚴球

張居永

孫

晟

使相

趙王

李德誠

張崇

張宣

周本

李簡

王輿

劉威

劉

信

王綰

柴載用

劉金

徐玠

馬仁裕

樞密使

杜光鄴

陳褒

將帥

崔太初

王輿

姚景

祖重恩

李鐸

文臣

楊彥伯

高弼

孫晟

李正明

龔凜

蕭儼

成幼文

賈潭

嚴球爲相是時王慎辭奉使北朝球在病請告烈祖授以論答凡數百事皆中機務然嚴球未見更就宅訪之球攬畢尤所稱美請

更添一二事北朝問黑雲長劍多少時及五十指揮皆在都下柴載用不曾赴鎮既到北朝一無所問首問黑雲長劍并柴載用所之慎辭依前致對梁太祖銳意南征卽時罷兵慎辭還朝夜宿金山嘗有詩云淮舡分燈點江市聚蠅聲烈祖性多猜忌聞之宋齊丘因而興譖以竹籠盛之沉于江口

魏王知訓徐溫之子也烈祖曲宴引金觴賜酒曰願我弟千年長壽魏王意烈祖置毒引他器均之曰願與陛下各享五百歲烈祖不飲久之申漸高乘談諧併而飲之內金鍾于懷袖亟趨而去到家腦潰而終

宋齊丘鎮鍾陵有布衣李匡堯累贊謁于宋宋知其忤物託以他故終不與之見一日宋公喪子匡堯隨弔客造謁賓司復贊之乃就賓次大書二十八字云安排唐祚挫強吳盡是先生設廟謨今日喪雛猶自哭讓王宮眷合如何

讓王遷于泰州永寧宮數年未卒每有枝葉延及五歲卽有中使

賜衫笏加冠卽日而終

每有枝葉今本作
每有枯槁生枝葉

讓王居泰州永寧宮嘗賦詩云江南江北舊家鄉三十年來夢一場吳苑宮闈今冷落廣陵臺榭合荒涼烟迷遠岫愁千點雨滴孤舟淚萬行兄弟四人三百口不堪回首細思量

申漸高嘗因曲宴天久無雨烈祖曰四郊之外皆言雨足惟都城百里之地亢旱何也漸高云雨怕抽稅不敢入城翌日市征之令咸有損除

仲時光者樂部中之官妓也有寵于永陵生衛王景暹烈祖矜嚴峻整有難犯之色常怒作數聲金鋪振動种夫人左手擎飯右手捧匙安詳而進之雷電爲之少霽後封越國太妃

柴載用按家樂于後園有左右人竊于門隙觀之柴知乃召至後園使觀其按習曰隙風恐傷爾眸子

元宗名璟烈祖元子也母曰宋太后帝謙和明睿奢儉得中搜訪
賢良訓齊師旅政無大小咸必躬親又善曉音律不至耽溺深知
理體動明物情聖德聞于隣國矣在吳朝太子諭德後累居丞相
常于廬山構書堂有物外之意烈祖卽位爲皇太子烈祖崩于柩
前卽位年四十九在位十九年崩廟號元宗諡曰明道崇德文宣
孝皇帝陵曰順陵皇后光穆順聖鍾氏年號二保大交泰

皇子

太子冀

陳王

亡少

保寧王

亡少

慶王弘茂

亡少

後主從嘉

韓王從善

諱封楚國公

鄧王從誼

諱封江國公

吉王從謙

諱封鄂國公

昭平郡

公從度

文陽郡公從信

宰相

宋齊丘

李建勳

馮延巳

徐遊

孫晟

嚴續

使相

趙王

李德

王崇文

郭宗

柴克宏

謝匡

朱鄴

孫漢

威

皇甫暉

劉彥真

劉仁瞻

樞密院

嚴續

湯悅

李徵古

陳覺

唐鎬

陳處堯

魏岑

僞王

楚王馬希萼

閩王王延政

將帥

馬先進

陳誨

魏韶

何洙

林仁肇

張漢卿

郭彥華

丘仁詡

陸孟俊

王建封

祖重恩

馬存貴

鄭再誠

張彥卿

劉崇俊

張全約

時厚

武彥暉

成師朝

查

文徽

許文縝

邊鎬

陳承昭

高弼

文臣

江文蔚

王仲連

李貽業

游簡言

湯悅

常夢錫

朱

鞏 陳玄藻 馮延魯 潘承祐 高遠 田霖 張義方
高越 賈潭 張緯 鍾謨 李克明 張易 趙宣 陳繼
善

元宗爲太子日常問安寢門會烈祖酣寢未解夢便殿有黃龍據
闌檻蜿蜒可懼烈祖既寤命左右觀之卽太子也

蘇洪至揚州板築發一塚不題姓名刊石爲銘曰日爲箭兮月爲
弓射四時兮無終窮但見天將明月在不覺人隨流水空南山石
兮高穹窿夫人墓兮在其中猿啼鳥叫烟濛濛千年萬歲松柏風
右散騎常侍王仲連北土人事元宗元宗嘗謂曰自古及今江北
文人不及江南才子之多仲連對曰誠如聖旨陛下聖祖玄元皇
帝降于亳州貞源縣文宣王出于兗州曲阜縣亦不爲少矣嗣主
有愧色

兩浙錢氏偏霸一方急徵苛慘科賦凡欠一斗者多至徒罪徐瑒

嘗使越云三更已聞獐鹿號叫達曙問于驛吏乃縣司徵科也鄉民多赤體有被葛褐者都用竹箴繫腰間執事非刻理不可雖貧者亦家累千金

元宗割江南之後金陵對岸卽爲敵境因遷都豫章舟車之盛旌旗絡繹凡數千里百司儀衛泊禁校帑藏不絕者僅一載上每北顧忽忽不樂澄心堂承旨秦裕藏多引屏風障之嘗吟御製詩云靈槎思浩渺老鶴憶崆峒

上友愛之分備極天倫登位之初太弟景遂衛王景逵齊王景達出處游宴未嘗相捨軍國之政同爲參決保大五年元日天忽大雪上召太弟以下登樓展宴咸命賦詩令中使就私第賜進士李建勳建勳方會中書舍人徐鉉勤政殿學士張義方于溪亭卽時和進元宗乃召建勳鉉義方同入夜分方散侍臣皆有興咏徐鉉爲前後序太弟合爲一圖集名公圖繪曲盡一時之妙御容高冲

古主之太弟以下侍臣法部絲竹周文矩主之樓閣宮殿朱澄主
之雪竹寒林董元主之池沼禽魚徐崇嗣主之圖成無非絕筆侍
宴詩纔記數篇而已御製詩云珠簾高捲莫輕遮往往相逢隔歲
華春氣昨朝飄律管東風今日散梅花素姿好把芳姿掩落勢還
同舞勢斜坐有賓朋尊有酒可憐情味屬儂家建勳詩云紛紛忽
降當元會著物輕明似月華狂灑玉墀初散絮密粘宮樹未妨花
迴封雙闕千尋峭冷壓南山萬仞斜寧意晚來中使出御題宣賜
老僧家徐鉉詩云一宿東林正氣和便隨仙仗放春華散飄白絮
難分影輕綴青旂始見花落砌更依宮舞轉入樓偏向御衣斜嚴
徐更待金門詔願布堯言賀萬家義方詩云恰當歲日紛紛落天
寶瑤花助物華自古最先標瑞牒有誰輕擬比楊花密飄粉署光
同冷靜壓庭枝勢欲斜豈但小臣添興味狂歌醉舞一千家
陳覺李徵古少日依托鎮南楚公宋齊丘引至樞密使保大之末

王室多故覺及徵古屢上變言天命已改請元宗深居後苑委國老攝國事令陳喬草敕喬袖敕上前曰陛下既署此敕臣不復見陛下矣元宗使鍾謨言于周世宗曰罪大臣理合奏啓世宗曰自家國事大國何預元宗乃命湯悅草制曰惡莫大于無君罪莫大于賣國宋齊丘本一布衣遭遇先帝不二十年窮極富貴陳覺李徵古言齊丘是造國之手理當居攝云云卽日徙齊丘青陽安置覺徵古各賜自盡齊丘將至青陽絕食數日後命至家人亦菜色中使云令公捐館方始供食家人以絮塞口而卒有黑氣一道舟中起直貫九華

朱尊度本青州書生好藏書高尙不事閒居金陵著鴻漸學記一千卷羣書麗藻一千卷漆書數卷皆行于世

太平縣聶氏女年方十三歲隨母採薪母爲虎搏去蹲之將食女持刃自後跳上虎背用手交抱連割其頸奮擲不脫遂自困死女

新學卷五十一
捨歸告鄉人共收母屍

元宗嗣位李建勳出帥臨川謂所親曰今主上寬大之度比于先帝遠矣但性習未定左右獻替須得方正之士若目前所覩終恐不守舊業及馮延魯陳覺出討閩中徵督軍糧急于星火建勳以詩寄延魯曰粟多未必爲全計師老須防有援兵旣而福州之軍果爲越人所敗歸拜司空累表致政自稱爲鍾山公詔授司徒不起時學士湯悅致狀賀之建勳以詩答曰司空猶不受那敢作司徒幸有山公號如何不見呼先是宋齊丘自京口求退歸青陽號九華先生未週歲一徵而起時論薄之建勳年德未衰時望方重或有以宋公比之因爲之詩曰桃花流水須相信不學劉郎去又來捐館之夕告門人曰時事如此吾得保全爲幸已甚吾死不須封樹立碑塚土任民耕鑿無延他日毀斷之弊其後甲戌之歲公卿瑩域爲兵發殆遍獨建勳葬所莫知訖不及禍

魏王知訓爲宣州帥苛暴斂下百姓苦之因入覲侍宴伶人戲作綠衣大面胡人若鬼神狀旁一人問曰何著綠衣對曰吾宣州土地神今入覲和地皮掠來因至于此

張崇帥廬江好爲不法士庶苦之嘗入覲江都廬人幸其改任皆相謂曰渠伊必不復來矣崇歸聞之計口徵渠伊錢明年再入覲盛有罷府之耗人不敢指實皆道路相目捋鬚相慶歸又輒徵捋鬚錢嘗爲伶人所戲使一伶假爲人死有譴當作水族者陰府判曰焦湖百里一任作癩崇亦不慚

馮謐朝堂待漏因話及明皇賜賀監三百里鏡湖今不敢過望但得恩賜玄武湖三十里亦當足矣徐鉉曰國家不惜玄武湖所乏者賀知章耳

徐公撰江南錄議者謂之不直蓋不罪宋國老故也國老當淮甸失律之後援引門人陳覺李徵古掌樞密之任且授其意曰天命

已去元宗當深居後苑國老監國元宗詔將行陳喬草詔諍之而止舉國皆聞爲臣之道餘可知矣

文憲太子冀既正儲闈頗專國事而又率多不法元宗一旦甚怒撻之以毬杖且曰當命太弟景遂代之冀有慚色他日密使人持

酖付昭慶宮使袁從範

從範從妻弟在金陵

未幾從範子承乾爲景遂嬖臣宋

何九纔構遂置之法從範慙而且怨會景遂擊鞠暑渴從範進漿遇酖卽日薨未殯而體已潰矣

元宗誅戮大臣之後暮年于禁中往往見宋齊丘李徵古陳覺如生叱之不去甚惡之因議南幸太子冀既病數見太弟爲祟于昭慶宮中

前進士韓熙載行止狀云熙載本貫齊州隱居嵩岳雖叨科第且晦姓名今則慕義來朝假身爲賈旣及疆境合貢行藏某聞釣巨鰲者不投取魚之餌斷長鯨者非用割雞之刀是故有經邦治亂

之才可以踐股肱輔弼之位得之則佐時成績救萬姓之焦熬失之則遁世藏名臥一山之蒼翠某爰思幼稚便異諸童竹馬蓬弧固罔親于好弄杏壇槐里寧不倦于修身但勵志以爲文每棲身而學武得麟經于泗水寧怯義圖受韜略于邳圯方酣勇戰占惟奇骨夢以生松敢期墜印之文尙愧擔簦之路于是撓龍鱗編虎鬚繕獻捷之師徒修受降之城壘爭雄筆陣決勝詞鋒運陳平之六奇飛魯連之一箭場中勅敵不攻而自立降旗天下鴻儒遙望而盡摧堅壘橫行四海高步出羣姓名遽列于烟霄行止遂離于塵俗且口有舌而手有筆腰有劍而袖有鎚時方亂離跡猶飄泛徒以術探韜略氣激雲霓瞋目張而陰電搖怒呼發而驚雷動神區鬼甸天蓋地車鬪霹靂于雲中未爲矯捷呼擣蒲于筵上不是酋豪蘊機謀而自有英雄仗勁節而豈甘貧賤懷袂叱咤拔劍長嗟不偶良時孰能言志旣逢昭代合展壯圖伏聞大吳肇基聿修